

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 06.02.2024թ. թիվ 2417882069 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 07 >> 03 2024թ. 24-5- 2218

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Արտուր Հայրապետյանի ՄԴ/18205-24 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Արտուր Հայրապետյանը (ծանուցման հասցե՝ Կոտայքի մարզ, ք.Նոր Հաճըն, Տոռոզյան փողոց, 8-րդ շենք, 21-րդ բնակարան) դիմումով խնդրել է վերանայել Ճանապարհային ոստիկանության վարչական տույժ նշանակելու մասին 06.02.2024թ. թիվ 2417882069 որոշումը՝ նշելով, որ արարքը կատարել է ավտոճանապարհային պատահարից հետո՝ ՀՀ ՆԳՆ ոստիկանության պարեկային ծառայության ծառայողի (կարգավորողի) ցուցումով:

Դիմումի քննարկման արդյունքում պարզվել է, որ վարչական տույժ նշանակելու մասին 06.02.2024թ. թիվ 2417882069 որոշումը ենթակա է բեկանման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վարչական իրավախախտումների վերաբերյալ ՀՀ օրենսգրքի 251-րդ հոդվածի 1-ին մասի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ: Ըստ նույն հոդվածի 2-րդ մասի՝ այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

ՀՀ ՆԳՆ ոստիկանության պարեկային ծառայության 01.03.2024թ. թիվ Ն/38/41873-24 գրության համաձայն՝ 31.01.2024թ-ին Երևան քաղաքի Գայի – Նանսեն – Թորթվենց փողոցների խաչմերուկի հատվածում ծառայություն են իրականացրել ՀՀ ՆԳՆ ոստիկանության պարեկային ծառայության Երևան քաղաքի գնդի ծառայողները, իսկ <<NISSAN>> մակնիշի 36NT255 հաշվառման համարանիշի տրանսպորտային միջոցի վարորդը ենթարկվել է պարեկային ծառայության ծառայողների հրահանգին:

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը հաստատելու մասին>> 28.06.2007թ. թիվ 955-Ն որոշման 20-րդ կետի համաձայն՝ վարորդներն ու հետիոտները պետք է կատարեն կարգավորողի կարգադրությունների և ազդանշանների պահանջները, նույնիսկ այն դեպքերում, եթե դրանք հակասում են լուսացույցի ազդանշաններին ու ճանապարհային նշանների կամ գծանշումների պահանջներին:

Այսպիսով, ճանապարհային ոստիկանության վարչական տույժ նշանակելու մասին 06.02.2024թ. թիվ 2417882069 որոշման մաս կազմող տեսանյութի ուսումնասիրության և ՀՀ ՆԳՆ ոստիկանության պարեկային ծառայության կողմից 01.03.2024թ. տրված թիվ Ն/38/41873-24 գրության լրացուցիչ հաստատման արդյունքում պարզվել է, որ 31.01.2024թ-ին Երևան քաղաքի Գայի – Մուլդովական – Լվովյան փողոցների խաչմերուկի հատվածում արարքը կատարվել է ենթարկվելով ՀՀ ՆԳՆ ոստիկանության պարեկային ծառայության ծառայողի՝ կարգավորողի հրահանգին:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 1-ին կետով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 06.02.2024թ. թիվ 2417882069 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արտուր Հայրապետյանին:

Կատարող՝ Կ. Սուքիասյան
Հեռախոս 011-54-47-83

